

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 404046 21 St
Tuzla, 11.10.2021.godine

OPĆINSKI SUD U TUZLI, sudija Antonela Đaković, u postupku predhodnog ispitivanja prijedloga za otvaranje stečajnog postupka nad dužnikom „**DIDONA**“ d.o.o. za proizvodnju, promet i usluge Tuzla, ul. 4. Aprila br. 37, dana 11.10.2021.godine donio je slijedeće:

R J E Š E N J E

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom dužnika „**DIDONA**“ d.o.o. za proizvodnju, promet i usluge Tuzla, ul. 4. Aprila br. 37, MBS: 32-01-0316-14.

Za privremenog stečajnog upravnika imenuje se Maja Musemić iz Tuzle.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 16. Zakona o stečajnom postupku, a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama FBiH“, web stranici Općinskog suda u Tuzli i na Internet stranici FIA-e te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Tuzli i Gradskoj službi za geodetske i imovinsko-pravne poslove Grada Tuzla, radi upisa zabilježbe otvaranja prethodnog postupka.

O b r a z l o ž e n j e

Predlagač-osnivač Dino d.o.o. Tuzla u stečaju, ul. 4. Aprila br. 47, Tuzla, podnio je dana 05.07.2021.godine ovom sudu prijedlog za otvaranje stečajnog postupka nad privrednim društvom DIDONA“ d.o.o. za proizvodnju, promet i usluge Tuzla, zbog platežne nesposobnosti stečajnog dužnika.

Stečajni sudija je nakon što je utvrdio da je prijedlog za pokretanje stečajnog postupka podnesen od strane ovlaštenog predlagača i da je isti dopušten u smislu odredbe člana 58. stav 2. i 13. Zakona o stečaju postupku, dana 02.09.2021. godine rješenjem naložio predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka. Predlagač je dostavio sudu dokaz o uplati predujmljenih sredstava za finansiranje prethodnog postupka u iznosu od 1.500,00 KM.

Na osnovu priložene dokumentacije i to: Rješenje o zaključenju stečajnog postupka nad društvom DINO d.o.o. broj: 32 0 St 360940 19 St, od 07.04.2021.godine, Pregled blokiranih računa društva na dan 30.06.2021.godine, Bilans stanja na dan 31.12.2017.godine, Bilans uspjeha za period od 01.01.2017.-31.12.2017.godine, Rješenje o izmjenama podataka broj: 032-0- Reg-15-000112 od 30.01.2015.g., Statistički aneks godišnjeg računovodstvenog izvještaja za 2018.godinu, Godišnji izvještaj o investicijama za 2018.godinu, Izvještaj o promjenama u kapitalu na dan 31.12.2018.godine, Bilans uspjeha za period od 01.01.-31.12.2018.godine, Bilans stanja na dan 31.12.2018.godine, predlagač je učinio vjerovatnim platežnu nesposobnost dužnika.

Na ročištu za saslušanje stečajnog dužnika održanog dana 02.09.2021.godine, zakonski zastupnik društva Rasim Ćirić izjavio je da u cijelosti ostaje kod prijedloga za otvaranje stečajnog postupka nad imovinom društva, a kao razlog ističe platežnu nesposobnost društva koje nije u stanju izvršavati svoje dospjele i potraživane obaveze plaćanja u dužem vremenskom periodu od 2017.godine, kada su društvu blokirani računi otvoreni u Raiffeisen banci i MF Banci. Posljednji Bilans stanja i uspjeha je sačinjen za 2018.godinu od kada društvo ne izmiruje svoje zakonom propisane obaveze. Obaveze društva odnose se na neizmirene plaće, te doprinose za PIO i zdravstvo otprilike cca 20.000,00 KM. Firma nema zaposlenika. Firma nema nepokretne niti pokretne imovine. Obzirom da je nad pravnim subjektom Dino d.o.o. Tuzla koji je osnivač društva DIDONA d.o.o. Tuzla, zaključen stečaj to je neophodno po mišljenju zastupnika društva da se i nad ovim društvom pokrene stečajni postupak.

Na osnovu podnesene dokumentacije i izjave zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Sl. novine F BiH“, br.53/2021.).

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

SUDIJA

Antonela Đaković

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.